

DE  
PERFICIENDIS MAPPIS GEOGRAPHI-  
CIS, INPRIMIS VNIVERSALIBVS , PER IDONEAS  
SCALAS METIENDIS DISTANTIIS INSERVI-  
ENTES.

Auctore

*G. W. Richmann.*

§. 1.

**M**ethodus secundum perspectivae leges mappas geographicas delineandi adhuc prudenter in vſu est in vniversalibus inprimis mappis deformandis ; multa nihilominus in mappis his desiderantur et illae tantis incommodis laborant , vt nulla ars iis remouendis idonea videatur. At cum fini conuenientiores hactenus inuentae non sint contenti vt his simus , necesse est.

§. 2. Quia mappae geographicae singulorum locorum verum situm et distantias ab omnibus aliis in ipsis expressis definire debent , prima virtus mappae Geographicae est , vt magnitudines singularum regionum eam rationem habeant in mappa , quam habent in superficie telluris , secunda est , vt eam figuram etiam in mappa exhibeant , quam in superficie telluris ipsa obtinent , tertia , vt distantiae locorum sint in ea ratione in mappa expressae , in qua sunt distantiae locorum in superficie telluris , quarta , vt ex mappa cerni possit , quot gradus ab aequatore locus distet , quot a primo meridiano ?

§. 3.